



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Ustavno - pravna komisija
Broj: 01/1-011-771/02
Sarajevo, 09.07.2002.

Bosna i Hercegovina
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
SARAJEVO

PP broj	16.07.2002. godine		
Org. je	Broj	Pun	Vrijednost
	01/1-011-771		02

ZAPISNIK sa 28. sjednice Ustavno - pravne komisije

Sjednica je održana dana 09.07.2002.godine sa početkom u 11,00 sati.

Sjednici su prisustvovali:

1. Mirko Banjac
2. Marifil Ljubić
3. Miro Grabovac - Titan
4. Muhamed Begović i
5. Željko Bilbija

Odsutni su bili članovi Komisije Mirko Mijatović, Hilmo Neimarlija, Bogić Bogičević, te Osman Brka koji je pravdao izostanak.

U ime predstavnika predlagača, sjednici su prisustvovali:

Nikola Kragulj, Sena Hatibović i Gordana Gaco, u ime Vijeća ministara BiH, te poslanici Mustafa Cuplov i Emina Zaćiragić, kao i Mirsad Purić.

Sjednici je također prisustvovao i Milan Zjajić, zaposlen u stručnoj službi Predstavničkog doma Parlamentarne skupštine BiH.

Predsjedavajući Komisije Mirko Banjac predložio je sljedeći

DNEVNI RED :

1. Verifikacija zapisnika sa 27. sjednice, održane 14.06.2002. godine,
2. Prijedlog zakona o Zavodu za javno zdravstvo Bosne i Hercegovine, predlagači poslanici: Mustafa Cuplov i drugi, nadležna Ustavno-pravna komisija,
3. Prijedlog zakona o izvršnom postupku pred Sudom Bosne i Hercegovine, predlagač Vijeće ministara BiH, nadležna Ustavno-pravna komisija,
4. Prijedlog zakona o veterinarstvu u BiH, predlagač Vijeće ministara BiH,
5. Ostala pitanja.

Zatim je predloženi dnevni red jednoglasno prihvaćen.

Ad. 1.

Bez primjedbi zapisnik sa 27. sjednice, održane 14.06.2002. godine, jednoglasno je verificiran.

Ad. 2.

Otvarajući ovu tačku dnevnog reda, predsjedavajući Banjac dao je riječ predlagačima zakona. Prvi je o Prijedlogu zakona o Zavodu za javno zdravstvo govorio poslanik Mustafa Cuplov, a zatim Emina Zaćiragić. Oni su, prije svega, naglasili značaj predloženog zakona za građane oba entiteta te da je u obrazloženju naveden ustavni osnov. Poslanik Cuplov je u nekoliko navrata isticao da je kao ljekar kontaktirao više kolega iz cijele BiH i da su svi podržali pravno reguliranje ove oblasti, a poseban značaj bio bi u činjenici da bi njegovim usvajanjem BiH dobila mogućnost da realizira veći broj donacija u oblasti zdravstva. Gospođa Zaćiragić je ponovo istaknula nespornost ustavnog osnova za donošenje, sadržanog u Ustavu BiH, ako se odredbe tumače pravno, a ne politički, te da saglasnost ili sporazum entiteta treba da traže članovi Predsjedništva BiH.

Mirko Banjac je u raspravi osporio predloženi ustavni osnov, a podržao potrebu za donošenjem zakona. Naglasio je da se radi o isključivoj nadležnosti entiteta i da je, za razliku od predlagača, kao poslanik tražio mišljenje Ministarstva zdravlja Republike Srpske i da su mu odgovorili da se radi o entitetskoj nadležnosti, te da svako insistiranje na ustavnom osnovu bez saglasnosti entiteta nije dobro i zakon neće biti usvojen. Ovakvom stavu pridružio se i Željko Bilbija u svojoj raspravi. Zatim se otvorila duža diskusija u kojoj su predlagači zajedno sa svojim predstavnikom Mirsadom Purićem uglavnom ponavljali svoje stavove, a Mirko Banjac svoj stav.

Član Komisije Mariofil Ljubić predložio je da se rasprava odgodi, a na sjednicu pozovu predstavnici entiteta. Ovaj prijedlog nije bio prihvatljiv predlagačima pa se pristupilo glasanju. Sa tri glasa "za" i dva glasa "protiv" Ustavno-pravna komisija utvrdila je postojanje ustavnog osnova za donošenje Zakona o Zavodu za javno zdravstvo BiH, kako ga je naveo predlagač i zaključila da se tekst predmetnog zakona može uputiti nadležnoj komisiji u dalju proceduru usvajanja.

Ad. 3.

Bez posebne rasprave Ustavno-pravna komisija Predstavničkog doma Parlamentarne skupštine BiH, većinom glasova, utvrdila je da postoji valjan ustavno-pravni osnov za donošenje Zakona o izvršnom postupku pred Sudom Bosne i Hercegovine, predlagač Vijeće ministara BiH, i zaključila da se ponuđeni tekst može uputiti nadležnoj komisiji Predstavničkog doma Parlamentarne skupštine BiH u dalju zakonodavnu proceduru.

Ad. 4.

Uz učešće većine članova Ustavno-pravna komisija raspravljala je o principima, načelima i članovima, kao i uloznim amandmanima na Prijedlog zakona o veterinarstvu u BiH..

Amandmane su uložili poslanici Salih Kulenović i Mariofil Ljubić.

Nakon provedene rasprave, Ustavno-pravna komisija Predstavničkog doma Parlamentarne skupštine BiH odbila je amandmane predložene od poslanika Kulenovića, a prihvatila sljedeće amandmane poslanika Ljubića:

AMANDMAN I

U članu 1., u prvom redu riječi: "javne i socijalne aktivnosti, definirane putem normativa i regulativa" brišu se.

AMANDMAN II

U članu 2. stav 2. u tački d), u trećem redu iza riječi: "Veterinarske komore" stavlja se tačka, a preostali dio teksta se briše.

AMANDMAN III

U članu 24. iza stava 7. dodaje se novi stav 8. koji glasi:

"8. Uslove za uvoz i tranzit životinja i proizvoda iz stava 4. ovoga člana propisuje Vijeće ministara na prijedlog ureda".

AMANDMAN IV

U članu 45. tačka 3., u četvrtom redu, na kraju teksta, dodaju se riječi: "na prijedlog ureda,"

AMANDMAN V

U članu 71. stav 3. na kraju teksta, tačka se briše i dodaju se riječi: "na prijedlog ureda".

AMANDMAN VI

U članu 81. stava 2. u drugom i trećem redu, iz zarez a riječi: "odnosno službeni veterinar sa položenim stručnim ispitom za inspektora" brišu se, a u četvrtom redu iz riječi "veterinarstvu" stavlja se tačka, a preostali dio teksta briše se.

U stavu 3. u prvom redu riječ "sedam" zamjenjuje se riječju "pet", u drugom redu riječi: "od čega najmanje tri godine u upravnom tijelu" brišu se.

U stavu 4. u prvom redu riječ "devet" zamjenjuje se riječju "pet", a u drugom i trećem redu riječi: "od čega najmanje pet godina u upravnom tijelu, od čega najmanje dvije godine u upravnom tijelu za veterinarstvo" i riječi: "ili prosječno" brišu se.

AMANDMAN VII

U članu 83. stav 1. tačka "k) međunarodna trgovina" briše se.

U stavu 3. u prvom redu iza riječi "ostvarivati" dodaju se riječi: "inspekcijsku kontrolu u međunarodnoj trgovini i".

AMANDMAN VIII

U članu 84. stav 1. u drugom redu riječi: "Donošenje akata od strane ureda mora biti na bazi konsenzusa osim u slučajevima" brišu se, a riječ "kada" zamjenjuje se riječju "Kada" kojom počinje nova rečenica s preostalim tekstom u kojem se iza riječi "životinja" riječ "kada" briše.

AMANDMAN IX

U članu 85. stav 1. u prvom redu iza riječi "izdaje" dodaju se riječi: "Ureda i", a u stavu 3. na početku rečenice riječ "Ministarstvo" zamjenjuje se riječima: "Vijeće ministara na prijedlog ureda".

AMANDMAN X

U članu 86. u uvodnoj rečenici riječi: "koji pripada, entitetskoj veterinarskoj službi, Brčko Distriktu", brišu se.

AMANDMAN XI

U članu 88. stav 3. riječi: "Ministarstvo u saradnji sa ministarstvima entiteta" zamjenjuju se riječima: "Vijeće ministara na prijedlog ureda".

AMANDMAN XII

U članu 2. stav 2. d), članu 3. tačka 28,29,30,44 i 62, članu 4. stav 5., članu 6. stav 6., članu 7. stav 2., članu 8. st. 2., 3. i 5., članu 10. st. 1., 6. i 7., članu 11. stav 3., članu 14. stav 3., članu 16. st. 2. i 3., članu 22., članu 24. stav 7., članu 29. stav 2., članu 30. stav 1., članu 31. st. 2. i 6., članu 33. st. 3. i 4., članu 39. stav 2., članu 40., članu 41. stav 2., članu 45. tačka 1., članu 47. st. 2., 3., 4. i 6., članu 49. stav 3., članu 50., članu 52. st. 2., 3. i 5., članu 53., članu 55., članu 58. stav 3. e) i stav 6., članu 59., članu 61. stav 2., članu 62. stav 5., članu 63. st. 3. i 4., članu 65. stav 2., članu 66. st. 2., 7., 8. i 9., članu 67. st. 1. i 2., članu 68. stav 2., članu 70. st. 2. i 4., članu 71. stav 1., članu 72. stav 3., članu 73. stav 2., članu 74., članu 81. stav 2., članu 82. u uvodnoj rečenici i tač. 1., 3., 4., 6., 7., 9. i 31., članu 83. st. 1., 2., 4. i 5., članu 84., članu 85. stav 1., članu 86. stav 1., članu 87. tačka 9., članu 88. stav 1.d), članu 92. stav 3. i članu 101. riječi: "entitetskih veterinarskih službi ili Brčko Distrikt" u različitim padežima zamjenjuju se riječima: "nadležni organi entiteta i Brčko Distrikt" u odgovarajućem padežu.

Zatim je Ustavno – pravna komisija jednoglasno usvojila tekst Prijedloga zakona o veterinarstvu u Bosni i Hercegovini s usvojenim amandmanima i zaključila da je predloženi zakon neophodno donijeti, te da se Prijedlog zakona o veterinarstvu u Bosni i Hercegovini može uputiti Predstavničkom domu Parlamentarne skupštine BiH u dalju proceduru usvajanja.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi Komisija imenuje predsjedavajućeg Mirka Banjca.

Ad. 5.

Kako nije bilo ostalih pitanja, u 12,45 sati predsjedavajući je zaključio sjednicu.

PREDSJEDAVAJUĆI
USTAVNO - PRAVNE KOMISIJE

mr. Mirko Banjac

